



03 JUL, 2021

RM1.5 juta bantu petani, nelayan

Utusan Sarawak, Malaysia

RM1.5 juta bantu petani, nelayan



TERIMALAH... Datuk Amar Douglas Uggah Embas menyampaikan bakul buah-buahan kepada petugas barisan hadapan di Pusat Pemberian Vaksin (PPV) di Stadium Perpaduan Kuching, semalam.

AZREEN KERIA

KUCHING: Kementerian Pembedaan Pertanian, Tanah Adat dan Pembangunan Wilayah (MANRED) memperuntukkan sebanyak RM1.5 juta untuk membeli hasil produk daripada petani dan nelayan semasa Perintah Kawalan Pergerakan (PKP) disebabkan pandemik Covid-19.

Menurut Menteri, Datuk Amar Douglas Uggah Embas, tunggakan hasil produk berlaku bukan hanya semasa PKP tetapi juga yang sebelumnya.

"Kerajaan membantu para pengeluar terutamanya kepada golongan petani dan nelayan dengan membeli produk mereka melalui Lembaga Pemasaran Pertanian Persekutuan (FAMA) dan Pertubuhan Peladang Kawasan," katanya

selepas menyampaikan sumbangan buah-buahan kepada barisan hadapan dan anggota penguatkuasaan di Pusat Pemberian Vaksin (PPV) Stadium Perpaduan Kuching, semalam.

Beliau yang juga Timbalan Ketua Menteri Sarawak menegaskan, apa yang penting petani dan nelayan mampu menjual hasil pertanian mereka dalam keadaan PKP yang dilaksanakan ketika ini.

Justeru, jelasnya lagi kerajaan turut membantu menjual produk yang dihasilkan golongan petani dan nelayan itu di pasar atau menyumbangkannya kepada mereka yang memerlukan.

"Dengan ini, kerajaan akan terus membantu golongan petani dan nelayan sekali gus menambah lagi dana yang diperuntukkan itu nanti," tambahnya.



03 JUL, 2021

RM1.5 juta bantu petani, nelayan

Utusan Sarawak, Malaysia

Page 2 of 2

SUMMARIES

/ KUCHING: Kementerian Pemodenan Pertanian, Tanah Adat dan Pembangunan Wilayah (MANRED) memperuntukkan sebanyak RM1.5 juta untuk membeli hasil produk daripada petani dan nelayan semasa Perintah Kawalan Pergerakan (PKP) disebabkan pandemik Covid-19.

Menurut Menteri, Datuk Amar Douglas-yggah Embas, tunggakan hasil produk berjaku bukan hanya semasa PKP tetapi juga yang sebelumnya.